



影印

文淵閣四庫全書

第一三〇冊

北京出版集團公司
北京出版社

圖書在版編目 (CIP) 數據

影印文淵閣四庫全書 / (清) 紀昀等編纂. — 影印
本. — 北京: 北京出版社, 2012.4

ISBN 978-7-200-09184-7

I. ①影… II. ①紀… III. ①四庫全書 IV.
①Z121.5

中國版本圖書館CIP數據核字 (2012) 第 059042 號

策 劃: 方應權

責任編輯: 楊良志 蔡紫昀

責任印製: 宋 超

影印文淵閣四庫全書

(清) 紀昀等編纂

北京出版集團公司

北京出版社

北京北三環中路六號

郵政編碼: 100120

北京出版集團公司總發行

北京鴻博儒文化傳播有限公司

北京中獻拓方科技發展有限公司印刷

開本: 十六開 七八七毫米×一〇九二毫米

印張: 七五〇〇〇印張

二〇一二年四月第一版第一次印刷

定價: 陸拾萬圓整

ISBN 978-7-200-09184-7



9 787200 091847 >

本冊目次

禮

書

宋

陳祥道撰

.....一

欽定四庫全書

經部
禮書卷一至七

詳校官尚書臣德保

給事中臣溫常綬覆勘

總校官檢討臣何思鈞

校對官待詔臣胡士震

謄錄監生臣蔣肇源

繪圖監生臣孫大儒

欽定四庫全書

經部四

禮書

禮類五 通禮之屬

提要

臣等謹案禮書一百五十卷宋陳祥道撰祥道字用之福州人李廌師友談記稱其許少張榜登科又稱其元祐七年進禮圖儀禮注除館閣校勘明年用為太常博士賜緋衣不旬餘而卒又稱其仕宦二十七年止於宣義

欽定四庫全書

禮書
提要

郎宋史則作官至秘書省正字然晁公武讀書志載是書亦稱左宣義郎太常博士陳祥道撰與廌所記同廌又稱嘗為禮圖一百五十卷儀禮說六十餘卷內相范公為進之乞送秘閣及太常寺陳振孫書錄解題則稱元祐中表上之晁公武則稱朝廷聞之給札繕寫奏御宋史陳暘傳則稱禮部侍郎趙挺之言暘所著樂書二十卷

案樂書實二百卷宋史字誤

貫穿

明備乞援其兄祥道進禮書故事給札則薦
振孫所記為確公武朝聞之之說非其實也
其中多摺擊鄭學如論廟制引周官家語荀
子穀梁傳謂天子皆七廟與康成天子五廟
之說異論禘祫謂國丘自國丘禘自禘力破
康成禘即國丘之說論禘大於祫並祭及親
廟攻康成禘小祫大祭不及親廟之說辨上
帝及五帝引掌次文闕康成上帝即五帝之

說蓋祥道與陸佃皆王安石客

案祥道為王安石之徒見

晁公武讀書志祥道論語解條下

安石說經既初造新義務

異先儒故祥道與佃亦皆排斥舊說佃禮象

今不傳惟神宗時詳定郊廟禮文諸議今尚

載陶山集中大抵多生別解與祥道駁鄭畧

同蓋一時風氣所趨無庸深詰然宗其大致


則貫通經傳縷析條分前圖後說考訂詳悉

陳振孫稱其論辨精博間以繪畫唐代諸儒

之論近世聶崇義之圖或正其失或補其闕
晁公武元祐黨家李廌蘇門賓客皆與王氏
之學異趣公武亦稱其書甚精博薦亦稱其
禮學通博一時少及則其書固甚為當世所
推重不以安石之故廢之矣乾隆四十六年
十一月恭校上

總纂官臣紀昀臣陸錫熊臣孫士毅

總校官臣陸費墀



宋 陳祥道 撰

禮書圖

十二章之服

冕十二旒旒十二玉前後各用玉百四十有四纁玉五采



大裘而冕

見十二旒旒十二玉前後各用玉百四十有四纁玉五采



衮冕

見十二旒旒十二玉前後各用玉百四十有四纁玉五采



驚冕 冕九龍旒十二玉共玉二百一十六纁玉五米



欽定四庫全書

禮書

三

冕服

書曰天命有德五服五章哉又曰予欲觀古人之象日月星辰山龍華蟲作會宗彝藻火粉米黼黻絺繡以五采彰施于五色作服汝明 孔氏曰日月星辰為三辰宗廟為火字粉若粟米若聚米黼若斧形黻若龍華蟲為飾火為兩已相背為之精者曰絺五色備曰繡周禮典絲凡祭祀共黼畫組就之物典命上公九命其衣服以九為節侯伯七命其衣服以七為節子男五命其衣服以五為節王之三公八命其卿六命其大夫四命及其出封

皆加一等其衣服亦如之公之孤四命以皮帛眡小國之君其卿三命其大夫再命其士一命其衣服各眡其命之數侯伯之卿大夫士亦如之子男之卿再命其大夫一命其士不命其衣服各眡其命之數司服掌王之吉凶衣服辨其名物與其用事王之吉服祀昊天上帝則服大裘而冕祀五帝亦如之享先王則衮冕享先公饗射則鷩冕祀四望山川則毳冕祭社稷五祀則希冕祭羣小祀則玄冕 鄭氏曰古天子冕服十二章至周而以日月星辰畫於旌旗所謂三辰旂

旗昭其明也而冕服九章登龍於山登火於宗彝尊其神明也九章初一日龍次二曰山次三曰華蟲次四曰火次五曰宗彝皆畫以為績次六曰藻次七曰粉米次八曰黼次九曰黻皆希以為繡則衮之衣五章裳四章凡九也鷩畫以雉謂華蟲也其衣三章裳四章凡七也毳畫虎雌謂宗彝也其衣三章裳二章凡五也希刺粉米無畫也其衣一章裳二章凡三也玄者衣無文裳則刺黻而已是以謂玄焉凡冕服皆玄衣纁裳公之服自衮冕而下如王之服侯伯之服自鷩冕而下如公之服子男之服自毳冕而下如侯伯之服孤之服自希冕而下如子男之服大夫之服自玄冕而下如孤之服士之服自皮弁而下如大夫之服凡大祭祀大賓客共

欽定四庫全書

禮書

四

其衣服而奉之弁師掌王之五冕皆玄冕朱裏延紐五采纁十有二就皆五采玉十有二玉笄朱紘諸侯之纁旂九就璫玉三采其餘如王之事纁旂皆就玉璜玉笄諸侯及孤卿大夫之冕韋弁皮弁弁絰各以其等為之而掌其禁令節服氏掌祭祀朝覲袞冕六人維王之太常諸侯則四人其服亦如之郊祀裘冕二人執戈送逆尸從車行人以九儀辨諸侯之命等諸臣之爵以同邦國之禮而待其賓客上公之禮冕服九章侯伯冕服七章子男冕服五章考工記曰白與黑謂之黼黑與青謂之黻五采備謂之繡土以黃其象方天時變火以圜山以章水以龍鳥獸蛇禮記王制曰制三公一命卷若有加則賜也不過九命有虞氏皇而祭深衣而養老夏后氏收而祭燕衣而養老殷人皐而祭縞衣而養老周人冕而祭玄衣而養老禮運曰五色六章十二衣還相為質也冕弁兵革藏於私家非禮也家語作兵車禮罷曰管仲鏤簋朱紘君子以為濫矣禮有以文為貴者天子

龍袞諸侯黼大夫黻士玄衣纁裳天子之冕朱綠藻鄭氏曰朱綠似夏商禮周禮天子五采藻十有二旒諸侯九工大夫七下大夫五士三此以文為貴也郊特牲曰祭之日王被袞以象天鄭氏謂有日月星辰之章此魯禮也周祀昊天上帝則大裘而冕戴冕璫十有二旒則天數也玉藻曰天子玉藻十有二旒前後邃延龍卷以祭玄端而朝日於東門之外聽朔於南門之外諸侯玄端以祭裨冕以朝學記曰不學雜服不能安禮明堂位曰君袞冕立于阼夫人副褱立于東房冕而總干率其羣臣以樂皇尸王后蠶於北郊以共純服夫人蠶於北郊以共冕服祭義曰易抱龜南面天子卷冕北面天子為藉千畷冕而朱紘躬束耒諸侯為藉百畷冕而青紘躬束耒樂記曰食三老五更於大學天子袒而割牲執醬而饋執爵而醕冕而總干所以教諸侯之弟也魏文侯曰吾端冕而聽古樂武王克商散軍而郊射裨冕搢笏而虎賁之士說劍也雜記曰大夫冕而祭於公弁而祭於已士弁而祭於公冠而祭於已公襲卷衣一玄

端一朝服一素積一纁裳一爵弁二玄冕一褒衣一袞
公問曰冕而親迎郊特牲曰玄冕齋戒鬼神陰陽也周
弁殷尋夏收朱干設錫冕而舞大武諸侯之僭禮也明
堂位曰朱干玉戚冕而舞大武皮弁素積褻而舞大夏
曾子問曰大祝裨冕諸侯將適天子冕而出視朝詩大
車曰纁衣如綈纁裳如璫終南曰黻衣纁裳九罭曰我
覯之子衮衣纁裳米菽曰又何予之玄衮及黼文王曰
厥作裸將常服黼皐韓奕曰王錫韓侯玄衮赤舄論語
曰禹致美乎黻冕又曰麻冕禮也今也純儉又曰服周
之冕周語單襄公曰陳侯棄衮冕而南冠以出不亦簡
彝乎又曰襄王使大宰賜晉文侯命晉侯端冕以入武
宮大宰以王命命冕服魯語公父文伯之母曰王后親
織玄統公侯之夫人加之以紵紵卿之內子為大帶命
婦成祭服列士之妻加之以朝服世本曰黃帝作冕服
史記曰放勛黃收純衣大戴禮曰公冠四加玄冕家語
黃帝黼黻大帶家語曰黃帝與炎帝戰克之始垂衣裳

作黼黻又曰將郊天子皮弁以聽祭報郊之日天子大
裘以黼之被裘象天既至泰壇王脫裘矣服衮以臨燔
柴戴冕璫十有二旒則天數也左傳臧哀伯曰衮冕黻
珽帶裳幅舄衡紘紃紃昭其度也火龍黼黻昭其文也
桓公二年公與公治冕服以卿服之及疾聚其臣曰我死必
無以冕服斂非德賞也襄二十九年子太叔曰為九文六采
五章以奉五色昭二十五年伐楚之役許男卒而以衮衣斂
穀梁曰弁冕雖舊必加於首公羊曰已練可以弁冕荀
卿曰天子衽褌衣冕諸侯玄褌衣冕又曰天子山冕諸
侯玄冠爾雅曰黼黻彰也又曰衮黻也書大傳曰天子
衣服其文華蟲作績宗彝藻火山龍諸侯作績宗彝藻火
山龍子男宗彝藻火山龍大夫藻火山龍士山龍又曰
山龍青也華蟲黃也作績黑也宗彝白也藻火赤也天
子服五諸侯服四次國服三大夫服二士服一鄭氏曰
玄或疑馮許慎曰衮龍繡於下幅一龍蟠阿上鄉後漢輿服志
曰上古穴居而野處衣毛而冒皮後世聖人觀鸞翟之

文榮華之色乃染帛以效之成以為服見鳥獸有冠角
顛胡之制遂作冠冕纓黼凡十二章至周九章秦滅去
禮學郊祀之服皆以衿玄蔡氏獨斷曰衿紺繒也吳都
賦曰衿皐服也漢承秦故至顯宗初服旒冕衣裳文章
赤舄絢屨衣裳玄纁下乘輿備文日月星辰十二章
三公諸侯用山龍九章九卿以下用華蟲七章皆備五
采大佩赤舄絢屨以承大祭冕冠垂旒前後遂延玉藻
孝明皇帝永平二年初召有司采周官禮記尚書皋陶

篇乘輿服從歐陽氏說公卿以下從大小夏侯氏說冕
皆廣七寸長尺二寸前圓後方朱綠裏玄上前垂四寸
後垂三寸係白玉珠為十二旒以其綬采色為組纓三
公諸侯七旒青玉為珠卿大夫五旒黑玉為珠皆有前
無後各以其綬采色為組纓旁垂黹纁郊天地宗祀明
堂則冠之後魏明帝以公卿衮衣黼黻之文擬於至尊
復損略之宋齊皆王公平冕九旒衣山龍以下九章卿
七旒衣華蟲以下七章後周設司服之官掌皇帝十二

服祀昊天上帝則蒼衣蒼冕祀東方上帝及朝日則青
衣青冕祀南方上帝則朱衣朱冕祭皇地祇中央上帝
則黃衣黃冕祀西方上帝及夕月則素衣素冕祀北方
上帝祭神州社稷則玄衣玄冕享先皇加元服納后朝
諸侯則象衣象冕十有二章衮冕自龍以下凡九章山
冕八章鷩冕七章冕通十有二旒諸公之服九一曰方
冕二曰衮冕九章三曰山冕八章四曰鷩冕七章五曰
火冕六章六曰毳冕五章七曰韋弁八曰皮弁九曰玄
冠諸侯服自方冕而下八無衮冕山冕八章鷩冕七章
火冕六章毳冕五章俱八旒諸伯自方冕而下七又無
山冕鷩冕七章毳冕五章火冕以下俱七等俱七旒諸
子服自方冕而下六又無鷩冕火冕六章毳冕五章
冕以下俱六等俱六旒諸男服自方冕而下五又無火
冕毳冕五章冕五旒三公之服九一曰祀冕二曰火冕
六章三曰毳冕五章四曰藻冕四章五曰繡冕三章六
曰爵弁七曰韋弁八曰皮弁九曰玄冠三孤之服自祀

冕而下八無火冕義冕五章藻冕四章繡冕三章公卿之服自祀冕而下七又無義冕藻冕四章繡冕三章工大夫之服自祀冕而下六又無藻冕繡冕三章中大夫之服自祀冕而下五又無皮弁繡冕三章下大夫之服自祀冕而下四又無爵弁繡冕三章士之服三一日祀弁

二曰爵弁三曰玄冠

玄冠皆玄衣其裳上士以玄中士以黃下士雜裳雜裳謂前玄後黃也

庶士之服一玄冠隋改後周制度乘輿衮冕垂白珠

十有二旒服十二章皇太子衮冕垂白珠九旒服九章

欽定四庫全書

禮書

十二

王國公開國公三公衮冕青珠九旒服九章侯驚冕八

旒服七章伯驚冕七旒服七章子義冕六旒服五章男

義冕五旒服五章唐制天子之服十四大裘冕者祀天

地之服也廣八寸長一尺二寸以版為之黑表纁裏無

旒衮冕廣一尺二寸長二尺四寸金飾玉簪導垂白珠

十二旒驚冕八旒七章絺冕六旒三章玄冕五旒裳刺

黼皇太子之服六衮冕白珠九旒羣臣之服二十有一

衮冕者一品之服也九旒青璫為珠貫三采玉驚冕者

二品之服也八旒義冕者三品之服也七旒絺冕者四品之服也六旒玄冕者五品之服也以羅為之五旒衣黻無章裳刺黻一章平冕者郊廟武舞郎之服也黑衣絳裳爵弁者六品以下九品以上從祀之服也以紬為之無旒

十二章之服

冕十二旒旒十二玉前後各用五百四十有四縹玉五采

冕服之作尚矣書稱舜曰予欲觀古人之象作服日月

星辰山龍華蟲作繪宗彝藻火粉米黼黻絺繡則黼黻

欽定四庫全書

禮書

十三

而上象服也象服有冕禮記曰有虞氏皇而祭夏后氏

收而祭殷人呬而祭周人冕而祭則皇收而下皆冕也

孔子稱禹致美乎黼冕書稱伊尹以冕服奉嗣王詩稱

商之孫子常服黼呬則夏商服章益與古同矣古之服

章十有二而日月星辰山龍華蟲繪於衣宗彝藻火粉

米黼黻繡於裳則星五星也辰十二次也

鄭氏釋大宗伯保章氏皆謂星

五緯辰十二次

華蟲雉也宗彝虎彝雌彝也粉米粉其米也黼

白黑文也黻黑青文也蓋日月星辰在天成象者也山

龍華蟲虎雖藻火粉米黼黻在地成形者也在天成象者道之運乎上在地成形者道之散乎下道固始終於東北故山龍而降始山終黻莫不有序何則山居東北冬春交也龍春也華蟲夏也虎秋也雖冬也周而復始則藻春也火夏也粉米中央也黼秋冬交也黻冬春交也龍與華蟲陽之陽也故繪而在衣虎與雉陽之陰也故繡而在裳然則古者合三辰以在服備十二章以則天數故章與四時相順後世判三辰以在旗而服止九

章以法陽數故章與四時相變鄭康成謂周服九章登龍於山升火於宗彝以尊其神明理或然也觀周禮稱袞冕禮記稱天子龍袞又曰龍袞卷以祭上服言龍袞而不言山則升龍於山可知也司服五章之服則毳冕毳毛物毛物虎雉也五章言毳冕而不言藻則升火於宗彝可知也升春物於冬春交之上升夏物於春之前則章與四時相變可知也禮記曰王被袞以象天則龍行天之物變化不測天道之象也康成釋禮記謂被

袞有日月星辰與司服之說不同是自惑也左傳臧僖伯曰三辰旂旗昭其明也火龍黼黻昭其文也子大叔曰為九文六采五章以奉五色夫僖伯言服止於火龍大叔言色止於九文則周之袞服止於九章而無日月星辰明矣詩曰玄衮及黼又曰玄衮赤舄康成謂凡冕服皆玄衣纁裳特荀卿謂天子袼褱衣冕諸侯玄褱衣冕考之於禮王之五冕皆玄冕朱裏王之始冠玄冠丹組纓聘禮釋幣玄纁束昏禮納幣亦玄纁束聘禮之簋

玄被纁裏昏禮之笄緇被纁裏方相氏玄衣朱裳銘物亦緇工頽末則玄緇所以體道丹黃所以象事體道者常在工象事者常在下故易稱垂衣裳以取乾坤天玄地黃而纁赤黃色則六服皆玄衣纁裳矣荀卿天子袼褱之說豈其所傳者異耶荀卿又曰天子山冕諸侯玄冠蓋山冕即袞冕也袞冕自登龍言之也山冕本山龍言之也考工記曰火以圓山以章水以龍爾雅釋丘曰上正章丘釋山曰上正章山禮記曰龍卷然則火圓山

上正而龍卷曲矣周禮交龍為旂觀禮天子載大旂升龍降龍衣章之飾益亦如此則龍之一升一降乃不為亢君德之象也司服公之服自衮冕而下如王之服則公衮亦有升龍矣康成改章為獐謂天子有升龍降龍公衮無升龍誤也司尊彝有雞彝鳥彝罍彝黃彝虎彝雖彝明堂位曰雞彝夏后氏之尊也罍彝商尊也黃目周尊也則虎彝雖彝為有虞以前之彝可知矣先儒謂華非蟲粉非米宗彝有山龍華蟲之飾而服無宗彝之

欽定四庫全書

禮書

卷一

文山龍至華蟲尊者在工藻火至黼黻尊者在下皆臆論也五色備為繡葛之精者為絺孔穎達申安國之傳謂古者尚質絺纁而繡之以為祭服後代無用絺者此說是也康成讀絺為繡豈非溺於後代以疑古歟史記亦曰舜被絺衣鼓琴

大裘而冕

冕十二旒旒十二玉前後各用玉百四十有四纁玉五采

周禮司裘掌為大裘以共王祀天之服鄭司農云大裘黑羔裘服以祀

天示質正義曰以其祭天地之服故以大言之非謂裘禮修大則義同於大射也四時祀天皆共之不限六天

三大小直言祀天祭地之禮與天同則冕為神州用大裘可知司服祀昊天上帝則大裘而冕祀五帝亦如之弁師掌王之五冕皆玄冕朱裏

延紐冕服有六而言五冕者大裘之冕蓋無旒不聯數也節服氏郊祀裘冕二人

執戈送逆尸從車衆凡尸服卒者之工服禮記玉藻

曰唯君有黼裘以誓省大裘非古也借天子也天子祭工帝則大裘而冕

省當為獨國君有黼裘誓備四之禮時大夫猶有大裘禮不盛服不充故大裘不

謁乘路車不式家語曰大裘以黼之既至泰壇王脫裘

服衮以臨燔柴著大裘象天鄭志大裘之工又有玄衣

欽定四庫全書

禮書

卷一

梁五經博士陸瑋等大裘之制宜以黑繒為之其制式如裘其裳以纁皆無文繡冕則無旒隋始詔虞世基等憲章古制定興乘服合八等按周禮大裘之冕無旒其服羔裘也準禮圖以羔正黑者為之取同色繒以為領袖其裳用纁而無章飾絳鞬赤舄祀圓丘感帝封禪五郊明堂雩祀皆服之今文大裘冕無旒冕廣八寸長一尺六寸深青表纁裏金飾玉簪導以組為纓色如其綬裘以黑羔皮為之黑領標緣朱裳

周官司裘掌為大裘以共王祀天之服司服祀昊天工
帝則服大裘而冕祀五帝亦如之享先王則衮冕禮記
曰郊之祭王被衮以象天戴冕藻十有二旒則天數也
鄭司農曰大裘黑羔裘服以祀天示質也然則合周官
禮記而言之王之祀天內服大裘外被龍袞龍袞所以
襲大裘也記曰裘之裼也見美也服之襲也充美也禮
不盛服不克故大裘不裼則襲袞可知也議者以司裘
言大裘祀天而不及袞司服言大裘而冕祀昊天上帝

在袞冕之上又節服氏袞冕六人維王之太常裘冕二
人執戈送逆尸是袞冕與裘冕不同謂之大裘而冕則
不加袞矣是不知先王祀天以冬至之日為正而裘又
服之本也故取大裘以名之猶之朝服緇衣羔裘而詩
獨稱羔裘如濡羔裘豹祛羔裘逍遙燕服玄端蜡服黃
衣皆狐裘而詩獨稱狐裘以朝狐裘蒙茸狐裘黃黃則
裘之上未嘗無衣也裘之上未嘗無衣而衣之下有不
用裘故僂人曰凡四時之祭祀以宜服之則凡春夏秋

之祀不必服裘所以適時之宜而已

月令孟冬天子始裘然則先儒謂服大

裘以祭地示亦非

由是觀之衮冕以維太常者不必有裘裘冕

以送逆尸者必有衣也記曰尸襲而不裼送逆尸者象

之鄭氏曰裘冕從尸服

則裘冕加袞又可知也古者犬羊之裘不

裼必襲之也表裘不入公門必裼之也是裘有裼之而

不襲有襲之而不裼未有表之而不裼襲者則徒服大

裘而無襲非禮意也語曰褻裘長則凡行禮之裘短矣

果徒服大裘而加長焉其與褻裘奚異哉

明衣長下膝

則凡祭祀之裘益與明衣齊

鄭志謂大裘之上又有玄衣此尤無據

也禮記唯君黼裘以誓省大裘非古也則戒誓省眡用

黼裘而後世服大裘焉故記者譏之家語謂大裘黼文

以象天王至泰壇脫裘服袞張融又易之以為王至泰

壇脫袞服裘蓋王肅託孔子以信其說張融疑王肅以

變其論然記曰郊之日王皮弁以聽祭報則前祭未嘗

服大裘也又大裘無文與黼不同二者之說誤矣

裘以大名

之猶所謂大裘大圭取其質也

夫先王祀天有文以示外心之勤有質

以示內心之敬故因丘掃地陶匏藁秸疏屏櫛杓素杓
素車之類此因其自然以示內心之敬者也執鎮圭纁
藉五采五就旂龍章而設日月四圭有邸八變之音黃
鐘大呂之鈞此致其文飾以示外心之勤者也然則內
服大裘以因其自然外被龍袞戴冕藻以致其文飾不
以內心廢外心不以自然廢文飾然後事天之禮盡矣
不特此也以神事之則有五齊以人養焉則有三酒致
敬不壇而有壇焉禮曰泰壇祭天是也至質不裸而有
欽定四庫全書

禮書

卷一

十一

禮記曰
魯馬大宗伯凡祀大神享大鬼祭大示涖玉鬯禮記曰
親耕粢盛秬鬯以事上帝是也孰謂祀天之禮一於無
文哉

衮冕

冕十二旒旒十二玉前微各
用玉百四十有四纁五采

弁師掌王之五冕皆玄冕朱裏延紐五采纁十有二就
皆五采玉十有二玉笄朱紘諸侯之纁旒九就璫玉三
采其餘如王之事纁旒皆就玉璜玉笄鄭氏謂纁不言
皆有不皆者則衮冕十二旒驚冕九旒毳冕七旒希冕

五旒玄冕三旒觀弁師於王言冕之表裏延紐而不及
玉璜於諸侯言玉璜而不及冕之表裏延紐於王言纁
不言旒於諸侯言纁旒不言玉數正言璫
五三采言纁旒皆就
而不言采數公之五冕
皆三采言玉笄而不言紘是皆約辭以
互發之則五采纁十有二就不言皆者其旒如康成之
說信矣春秋傳曰工物不過十二郊特牲曰戴冕璫十
有二旒則天數也玉藻曰天子玉藻十有二旒龍卷以
祭是王之衮冕十有二旒也典命曰上公以九為節則

欽定四庫全書

禮書

十一

上公之衮冕九旒九玉也弁師言纁十有二就以見旒
亦十有二言纁旒九就以見旒與玉亦九於玉舉衮冕
於諸侯舉上公之冕皆指其盛者言之也孔子曰麻冕
禮也記曰玉藻前後邃延漢祿叔通之冕制版廣八寸
而長倍之後方前圓後仰前俛則版質而麻飾之上玄
為延下朱為裏約之以武設之以組貫之以笄固之以
紘五采玉則朱白蒼黃玄也皇氏沈氏謂五采玉依飾
射侯之次從上而下初以
朱次白次蒼次黃次玄五采玉貫偏周而後始
具二采者先朱次白次蒼二色者先朱後綠玉十有

二則每玉間以寸也其玄朱方圓俛仰如此先儒謂而

辨物之德應物之事不變之體無方之用莫不該存乎

其間命之曰冕者禮為應物而設故也然服飾於下陰

也故司服之服六冕飾於上陽也故弁師之冕五而已

猶王后之服六而追師之首飾三而已副編則大裘衮衣

同冕猶三翟同副也康成謂大裘無衮其冕無旒於經

無據玉藻曰龍卷以祭其文在朝日聽朔之上則祭昊

天五帝先王之類皆以玉藻龍卷此又與郊特牲象天

則天數之說合矣蓋先王祭服其內明衣加以中衣其

中繡黼丹朱然後加裘衮焉則大裘之所著見者領而

已衮服玄衣纁裳而九章則龍也山也華蟲也火也宗

彝也繪於衣藻也粉米也黼也黻也繡於裳前後邃延

則前十二旒其玉百四十有四後十二旒玉亦百四十

有四鄭氏曰旒十有二前後邃延者言皆出冕前後而

其數朱黻其帶素帶朱裏朱綠終辟執鎮圭搢大圭

謂圭則執佩白玉而玄組綬赤舄

謂圭則執

鷩冕九旒旒十三玉共五二

鷩冕七章鷩雉也雉之為物五色備而成章故曰夏翟

亦曰華蟲猶中國謂之夏亦謂之華也司服又謂之鷩

者別其名也考工記曰鳥獸蛇鳥而類於獸蛇者指其

文也鄭氏曰華蟲之鷩冕以祀先公饗射然先公尊矣

所服止於此者非卑之於先王以為祭則各以其服授

尸尸服如是而王服衮以臨之非所以為敬故弗敢也

其制亦五采纁十有二就五采玉十有二前後皆九旒

共玉二百一十六玄衣纁裳繪於衣者華蟲火宗彝也

繡於裳者藻粉米黼黻也紱帶圭佩綬舄與衮冕同然

則饗射亦以鷩冕者王朝覲諸侯以衮冕故饗與賓射

以鷩冕祭祀以衮冕故大射亦以鷩冕以饗與賓射殺

於朝覲而大射殺於祭祀故也燕射於寢則皮弁而已

賈公彥於賓射服皮弁燕射服朝服然鄭氏釋司服謂

鷩冕饗射者饗食賓客與諸侯射則賓射不以皮弁

矣又皮弁即王之朝服耳離而二之其說誤也左傳曰

矣又皮弁即王之朝服耳離而二之其說誤也左傳曰